

T 5466/7972
ChL 553/7972

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

MAY 14 1932

Vertical text in a rectangular frame, likely bleed-through from the reverse side of the page. The characters are faint and difficult to decipher but appear to be arranged in columns.

Blank page with a light beige background, showing signs of aging and minor blemishes.

乾隆壬午年鑄

道榮堂文集

本衙藏板



道榮堂文集序



古名臣不盡以文傳而又亦未嘗不傳唐之魏鄭公宋廣平公裴晉公所著作今人未嘗不迴環絡誦與韓柳等宋范司馬二文止公與韓忠獻李忠定諸公文集俱在今人未嘗不什襲珍之與歐蘇曾王等蓋言者心之

教而文又載漸之顯者若其人
本心粹然與道大適而又積學
且儲其才集義以養其氣雖其
馳驅王事不能如專門名家者
之精能工緻而漸已在是矣道
傳則久無不傳也

滄洲陳恪勤公

國朝之名臣也自為牧令即以文

學受

聖祖仁皇帝特達之知其才具天挺著

述甚富詩五十餘卷盛行於世
公既歿令嗣學田等又取其文
刊布之以勸與公生平交至深
也耒微弁言勸讀之再三作而
歎曰恪勤公世所指為剛正不
屈負氣翫陸之人也其文乃和

平朗暢粹然一出於德盛禮恭
允所激揚贊美則津、賈、白
復言之務愜乎其人之志而後
止若奇所箴砭勸勉則恒隱約
其詞身引曲喻以俟其人言自
悟豈有人焉自敵以下尚無位
詞倨色而肯傲上官以取禍者
乎蓋貪人敗類惟諂是好騎是

激又恐人之諂之也不深則賄
之多也不多不速必取一不能
諂不能賄又爲衆望所屬者非
理陷之以厲衆而後所欲不脛
而自至陷公者意不在公也夫
子言在下位不獲乎上民不可
得而治未晉民治矣而不獲于
上者治失其存心之華於民彞

古訓固倒行而逆施之吾又何責哉然勅不難於公之不諂不賄不屈而難於

知公之篤信公之深也督李太尉固出獄京師市里皆呼萬歲大為梁冀所忌卒陷於死然猶曰主劣而權在下也宣帝漢之英主韓延壽所望至淵法呂與丞

相蕭望之相齟齬東罷人民數千攀輿奉酒歔涕泣求其生而不可得狀猶曰事非甚急欲疆主威也宋高宗兵在城下罷李縉宗澤大學生陳東率眾伏闕等之卒坐大辟二公亦僅得免蓋人主之心不能掣矩以與民同好惡則中有所藉苟可以適

已意不難拂衆諱以拘之衆之
持之也蓋力則上之疾之也蓋
深古今未方正之士爲人所陷
者何限合觀公之軼事以總制
之力欲陷一罷守而不可得且
不惟不使陷之而已又從而用
之爲總裁爲監司爲河道總制
而公益清操自厲服勤至死與

諸葛丞相自表所云鞠躬盡瘁
死而後已乃不使廩有餘粟府
有餘財以負陛下者相同實以
以暴白於天下後世臣昭

聖祖知

人之明嗚呼可謂曠古一遇者
矣勅自備員詞苑游至卿班沐

浴

膏澤至深至久於

聖祖之心法道法實同符於唐虞之執
中沫泗之矩者勅學識淺陋
萬不能比於見而知之者惟竊
窺其酌民言以保善類雖羣枉
咻之而益固淺皆卓狀為名臣
如公者尚不止一二點中心感
涕不能自己因系公之遺文不
禁切直言之冀以揭



聖祖之至德於萬一且占廢公之遭遇
使後世之為人臣者患其誠之
不至勿以奪於執而自阻若公
之文可卓然與古之名臣並傳
人皆知之世所庸其溢辭矣
乾隆元年歲在丙辰春二月

賜同

進士出身誥授朝議大夫通政
使司右叅議加一級前翰林院

檢討

國史館纂脩官祭酉科福建正考官提督貴州學政太常寺少卿提督四譯館大理寺少卿濟南年眷弟孫勳琴手撰并書



序

滄洲先生近詩余既敘而付之梓矣乾隆戊午余沉滯三吳垂二十年至今始歸里在姑蘇時接見大夫士及耆舊稚孺無不盛稱先生治行最賢其異時事及他人有類者皆歸美先生益知吳人之愛戴爲最深間嘗往來白下亦然始信吾之敘詩之無愧辭也越明年壬戌先生之四子著字學田官漳州晉省知余歸謁余執子弟禮甚恭攜先生文集若干卷復求敘於余并述先生文最富生常憂患散亡無全帙及在豫捐館舍著

等均不在旁悉取他人集中弁言及墓碣碑表彙成一帙蓋百不得十云余受而卒業先生居心仁恕故其文和平大雅卽應酬遊興善爲往復不以奇峭爲工而自合古法至其碑誌則徑入韓歐堂奧矣余與先生交最久且深康熙甲子先生領鄉薦余亦是科與各歲丙寅先生訪友至閩時周櫟園先生振興於上邑宰李子鵠先生延攬於下一時名流畢集做廬頗多爲諸名士各置一榻每一會集先生所作輒稱最衆皆帖服今先生已歿十年余以老耄病廢猶敘其詩文不亦

悲哉山人宋介山明經李克山爲先生作傳逼真西漢先生之立身行政居心忠愛宜有以膺三朝之恩遇生榮死哀流譽無窮獨詩文乎哉

乾隆七年歲次壬戌八月旣望鹿山年眷弟李馥

頓首拜撰

陳恪勤公文集總目

湘潭陳鵬年北溟著

卷一

奏疏書啓

計三十首

卷二

序詩集類

計四十二首

卷三

序文集類

計四十八首

卷四

序小引族譜及應酬類

計三十四首

卷五

記傳銘贊

計四十六首

卷六

題跋祭文墓表墓碣墓銘 計五十四首

以上共計二百五十四首

陳恪勤公文集稿目錄

湘潭陳鵬年北溟著

卷一

奏疏

署理霸昌道謝 恩摺

奏懇兩子行走摺

到任謝 恩疏

辭淮關捐例摺

請開廣武山引河摺

進引河圖摺

通鑑堂文集
請接開引河疏

奏報雨水并漕臣病故摺

奏請寬限摺

請停修太行堤疏

請祝 萬壽疏

題河工收錄人員摺

奏補道員摺

請留道員疏

題補充寧道疏

奏明赴豫堵築工程摺

請築秦家廠決口疏

請開山東運道疏

報北壩尾合龍疏

奏請河神封號疏

接到 遺詔日期疏

請哭臨疏

賀御極表

遺摺

遺疏

附疏

通樂堂文集
萬壽皇醮疏

書啓

與李峯山

謝學使黎寧先啓

卷二

序

蓼菴先生詩序

劉大司馬凝齋先生虛籟集序

許秩宗詩集序

友人詩序

瓦缶集序

張寄村詩序

鄭虎文詩序

東莊詩序

龍囿菴詩草序

金節母挽詩序

張可菴書種堂詩集序

故文學邱蓋書詩稿序

稷存草序

鳳唳齋詩序

漢鏡歌音韻解義序

郝幼成明詩鼓吹序

詩乘選序

北池詩草序

譚襄只十八山房集序

楊節婦詩序

余毅齋詩序

姜自芸詩集序

魯亮儕詩集序

葉漢光勁秋齋詩集序

香雪居詩集序

王元一先生詩集序

金梅岑詩序

王樓村修撰詩集序

葉貞女題咏詩文序

劉蘆渡南隱草堂詩序

聽松書屋詩序

黃旦日詩序

王珠臯詩序

水西吟序

清村秋吟序

朗陵集序

蔣蓉江綱集選詩序

望亭詩草序

王孔昭楓莊和詩序

盧舜徒光祿紀恩詩序

蔣氏江聲遺集序

葛莊分體詩鈔序

卷三

序

陸鳳池梯仙閣集序

赤谷子蠹書序

蔡聞之先生文集序

東山草堂文集序

金聲玉振集序

明史忠獻公致身錄序

扶風世澤錄序

周籀書先生蜀漢書序

賈檀村兆鳳歸田錄序

范密居時文序

通雅堂文集
卞氏忠貞世纂序

棠邑課藝序

讀易質疑序

鞞編類纂序

文廟禮樂備考序

王仁孝先生俟後編序

宋宗忠簡公全集序

李氏三昆合稿序

江氏濟陽家傳序

卜筮正宗序

諭俗膚言序

三魚堂年譜序

文山義學課藝序

四書宗朱心解序

胡氏繹志序

蔣松岩先生思過處日記序

張漢瞻文集序

秀水姜亮齋文鈔序

沈伯叔先生易註序

地理正宗序

女史徵序

道學正宗序

高賦三選小題讀本序

徐氏塾訓序

桂留堂集序

日省篇序

顧蕉窻六十徵詩序

讀春秋偶得序

馬新溪奏疏序

徽州司馬張方容日記序

吳門張錦含賦序

孔鍾衡歷試草序

林屋民風序

湘鄉易公申齒譜序

王廷鑑文清文集序

沈磨洲今雨軒集序

繪事發微序

雒氏易疏序

卷四

序

道樂堂文集
易氏族譜序

馬氏族譜序

句容王氏重修族譜序

孫氏族譜序

高唐李氏族譜序

吳中陳氏族譜序

莫氏家譜序

海門崔氏族譜序

潤州毛氏宗譜序

孔氏分譜序

賀氏宗譜序

前

賀氏宗譜序

後

白門張氏族譜序

橫山史氏族譜序

殷氏族譜序

瑞溪重修族譜序

秦氏族譜序

唐橋孔氏族譜序

于氏族譜序

石輿山修族譜序

道樂堂文集
陳元一七十雙壽序

許母陳孺人五十壽序

沈母張孺人壽序

蔣容城四十壽序

田母鄭夫人壽序

節婦茅氏 旌表序

募置文山寺義學膳田序

送黃虞部曉夫先生還山序

送金桑洲之任陝西山陽序

重修南嶽山志序

小引

募設醫藥局引

疊韻和吉友詩小引

索墅葦渡菴募施茶柴小引

卷五

記

舒城縣學重置祭器記

于清瑞公祀田記 代

朱文公祠記

吳復菴先生祠碑記

通樂堂文集
相國張文貞公祠堂記

韓文公祠碑記

重修封溪三節婦祠碑記

迎仙道院新建北極閣碑記

平山堂三賢祠記

明故兗州府太守程公祠堂記

何氏宗祠碑記

法華禪院碑記

重修蘇州府城隍廟碑記

重立瘞鶴銘碑記

歸安吳氏烏集亭碑記

見山樓小記

懷仁書院記

廣武山白龍王廟碑記

傳

天柱令王公傳

吳氏事翁傳

前少宰王公傳

前文學汪默菴先生傳

湖廣少叅蔣南麓傳

高高士傳

匡山先生傳略

文氏雙節傳

前文學楊介石傳

錢母夏氏傳

休寧楊文學傳

王母徐孺人傳

汪立亭傳稿

蔡節婦傳

徐孝女小傳

銘

廉石銘

贊

陸忠定公像贊

陸忠烈公像贊

雪山贊

某小像贊

蘇九苞先生像贊

友人像贊

毛子千遺像贊

通樂堂文集
毛際生像贊

雲鶴山房三世羽士像贊

顧母高孺人像贊

吳白衣先生像贊

卷六

題跋

宸訓亭重修記題跋

書晴川武公冊後

書朱氏家傳後

楊氏四節婦 旌額題詞

題陸五臣畫軸

劉母侯孺人節壽題詞

跋周隱君傳後

何太學悼亡詩題跋

毛氏母子節孝傳跋

題盛氏小像跋

跋海忠介公遺蹟

題天妃菴僧募冊

蘭馨集題詞

孫節母題詞

題林鶴田印譜

書鮑安人傳後

跋墨雲堂詩稿後

題篔在辛先生所藏王石谷畫卷後

跋葉素臣述懷詩

題無夢老人說

王青原松賦跋

跋鄒者菴先生西征賦

蘭亭十種跋

書永州張克緒使君傳後

書金復濱先生遺劄後

祭文

祭趙母秦太恭人文

祭五經博士孔某公文

祭果亭先生夫人馬太君文

祭原任漳州司馬黃南亭文

祭江常鎮副使許可翁公祖文

祭張文貞公文

祭段太母賀太孺人文

祭直隸總督趙恪敏公弘燮文

祭侍御吳豹文蔚起文

祭程某文

祭張太淑人文

祭少宗伯大司成孫長洲夫子文

祭顧中書俠君嗣立文

祭通議大夫馬紫岩逸姿文

祭河南河北總兵漢渭英都文

附祈雨文

墓表

太學生沈汝枚墓表

待贈文林郎知縣事葉公古樵先生墓表

誥封淑人徐母潘太夫人墓表

勅授文林郎待贈奉直大夫家寓園墓表

墓碣墓銘

方逸巢先生繼室吳孺人墓碣

方百川先生墓碣

段母賀太孺人墓誌銘

海門明經崔君仲玉墓誌銘

潤州國子生候選學博華君念焦墓誌銘

待贈孺人葉母文太君墓誌銘

高爾實墓誌銘

原任福建邵武府光澤縣知縣沁西張公

墓誌銘

廣西巡撫省菴宜公墓誌銘

諭祭文

皇帝諭祭總督河道諡恪勤陳鵬年之靈柩前而

言曰夙夜不遑臣子勵匪躬之節初終罔替

朝廷弘恤下之仁特賁絲綸式光俎豆爾陳

鵬年才猷敏練操履潔清膺縣綬而著循聲

剖郡符而宣愷惠繼因註誤入事校讐仰惟

聖祖仁皇帝重念河防俾爾署理朕誕膺寶位授以

實銜方宣力而効忱尋鞠躬而盡瘁遽聞溘

逝良切軫懷俾嘉諡以易名沛殊恩而賜賻

賁顯親之榮綽予蔭子之華資於戲盡臣節

道樂堂文集 卷之十
於生前無慚職業獎賢能於身後用勸臣僚
靈其有知尙能歆格

昔

雍正二年

月

日

諭碑文

朕惟河渠重任允資利導之才綸綍殊榮用表靖
共之節苟生膺峻秩能敬事以忘身斯歿表豐碑
爰酬庸而勸績所以風臣僚示奔襪也爾陳鵬年
秉姿果毅矢志潔清早自甲科薦膺州郡儉約每
同乎寒素撫字允協夫循良繼緣註誤解官遂以
纂修供職

皇考念周河務簡署篆以宣勞迫朕纘御丕基授實
銜而委重殫心區畫精詳克副乎疇咨盡力經營
風雨不辭其勞瘁何乃設施未竟奄逝遽聞倍深

道樂堂文集 卷之五
軫悼之情因厚飭終之禮頒以異數錫之嘉名於
戲龍章丕煥俾知廉吏當爲馬鬣常新益念勞臣
勿替勒諸碣石永賁松楸

雍正四年二月初五日

維

乾隆十六年歲次辛未 月 朔越 日

皇帝遣大理寺少卿齊達色

諭祭原任河道總督諡恪勤陳鵬年之祠曰爾陳
鵬年性秉剛方學優經濟山城出宰奏循卓
於浙西劇郡宣猷流清惠於江左遭飛章之
組織幾陷網羅幸

清問之公平頓開雲霧編摩秘殿得叨珥筆之司
總制河渠茂著安瀾之蹟三吳人士愛慕從
心兩祀馨香賢良屈指朕巡幸所至恩眷有

進樂堂文集 卷之首 三
加飭牲醴於有司用表彰夫芳躅爾靈不昧
庶克歆茲

乾隆十六年二月

皇上南巡遣內閣學士齊

賜祭又

御賜清惠揚休匾額

武陟陳公廟碑文

武英殿正總裁內閣學士兼禮部侍郎教習庶
吉士一統志館正總裁方苞撰

陳公廟者河內之人不忘故總河陳恪勤公
而作也康熙六十有一年河決馬營口請於
朝凡三至河內循故道䟽下流常饑不遑餐倦
不遑寢病不遑藥以身先役夫而董勸之自
秋徂冬閱月凡五南北壩合而復潰者四三
誓於神願以身殉衆志成奮克成厥功而公
遂彌畱矣所謂以死勤事者也今

通樂堂文集 卷之四
四
天子御宇上清下寧百神受職洪波澄澈亘數千里引河自開不煩疏鑿隄堰闡壩之功爲焉而斯成築焉而斯固民忘負薪捧土之劬官有進級紀功之賞休哉天之所以應

聖德惠蒼黎惜乎公旣没而不及見也於是河內之人聚而言曰前者廣武山下王家溝之引河不開則馬營口不得而塞馬營口不塞則是魚鼈我也公不愛其死以衛我民俾得延朝夕以復覩

聖天子平地成天之烈於今日若之何忘之乃告

於邑令徐君石麟相與伐木鳩工爲廟於郭外嘉應觀右寢堂門廡畢具士人張謨荆鵬展金永齡張孝先等實司厥役父老子弟不令而趨有弗告勞若撻諸市始雍正十二年九月越十日丙午落成徐君來請余文刻繫牲之石先是

上俞撫臣請祀公河南賢良祠而懷之人猶拳拳焉專其敬於公者以公嘗陟降上下於茲土其神如或臨之也佚能思初安能惟始其懷人之謂乎乃撮公濬河大略書之且系以銘

告後之人無怠公諱鵬年字北溟號滄洲湖
南湘潭人持身治民所在皆著聲績爲時名
臣銘曰

昔河之溢滔滔東流沁水交漲漫及張秋公
來自淮底績廣武道河南行俾復其所我芻
孔亟公涕如雨再決再塞有萬其杵馬營旣
陂充冀旣寧公沒而視俟我河清

帝曰勞臣鞠躬盡瘁秩祀賢良俞哉廷議惟此懷
民立社以祠匪私匪媚明德是思我田我廬
報以廟食公功不刊視此樂石

乾隆十三年乙卯歲正月上元建

清故光祿大夫總督河道提督軍務兵部右
侍郎兼都察院右副都御史恪勤陳公墓志
銘

公諱鵬年字北溟號滄洲湖南湘潭人父太
學生式穀母羅氏繼母賀氏曹氏其先居江
西廬陵九世祖友德始徙今縣六世至大父
金臺明經不仕撫從弟庠生元鼎子爲子卽
公父也及公貴三代考妣皆

贈光祿大夫一品太夫人惟繼母賀格於例未贈
光祿五子公居長生有異徵八歲能詩九歲

作蜻蜓賦十八歲補縣學生康熙二十三年
舉於鄉越七年登進士第三十五年知浙江
西安縣西安經兵燹賦籍闕公親履畝丈歸
田於主割餘以實虛糧悉除逃亡稅窮民來
歸俗多溺女立法懲勸風一變力隲采礦害
奪羣議民建祠爛柯山祀焉遂寧張文貞公
題辦河工一年以天津同知薦會督撫舉仁
廉吏移知山陽丁賦額闕前令抵寄居戶遭
水人轉徙復編幼丁遙里甲代納戶部以銀
不及額符下縣公上言死不再生逃未復業

請仍舊冊便夏霖雨河溢排啓壩議保東隄
七州縣得無恙遷海州尋擢知江寧府米踊
貴請發官米四萬石設九厰平糶禁士女冶
游驅娼妓而毀其居正昏喪禮期年民向化
四十四年

聖祖仁皇帝南巡大府議益耗羨爲供張公持不可
且曰事苟上聞滋得罪大府怒陰奏公改妓
所居南市樓爲講堂率吏民讀法大不敬宜
置重典

仁皇帝在行宮已廉知公治行及民愛戴狀姑命聽

勘獄具

詔免死赴京脩書方公居幽江寧城中市晝閉哭聲
徧野諸生匍伏籲留旗兵營卒爭贖錢具牛
酒詣公願一見遂勘於淮山陽海州父老願
身代公繫者數千人比

詔下皆走郡治所中庭北向焚香呼

萬歲江寧民復留公像於明海忠介祠當是時公賢
聲動天下四十七年邵公穆布督兩江疏薦
冬出知蘇州未匝月案牘一空痛革奢俗會
飢疫請告糴於上游親載米製方藥徧往散

給邨民乞食富人不與則聚而攫其倉實以
盜逮繫者七十餘人公至惻然曰飢也非盜
也皆杖釋之逾年攝江蘇布政司總督噶禮
劾拘鎮江

仁皇帝曰比有密奏陳鵬年遊虎邱作詩蓄異志自
古小人率用此陷善類朕素知鵬年豈爲若
輩欺罔因出詩釋文一紙示九卿旋奉赦赴
京謝

恩入對熱河

行在

命爲武英殿總裁官公初至蘇州往見噶禮白事不
跪禮怒呵曰知府生死我手汝敢爾何也對
曰鵬年果有罪雖幸賜寬假寸心具有鈇鉞
如其不然君死之百姓安之生死不在公也
徐步出禮以太倉閘工及承審遲延案劾去
之度未得志故構蜚語必欲擠公於死公性
剛敢任事事上官動見齟齬然廉明愛人所
在得百姓心以此自結

聖主歷試然後卒大用五十六年署霸昌道大猾詭
貴戚名盜礦立捕送刑部獄昌平歲進瓜

帝曰鵬年清官安辦此敕勿進未幾

召回武英六十年四月

命同張鵬翮視河留辦事秋武陟馬營口決公奏
言黃河老隄衝決八九里大溜直趨決口請
於對岸廣武山下大開引河導溜南趨迤東
與正河會然後堵築可興又乞發帑遣大員
用長椿大埽以資捍禦先是

帝已遣副都御史牛鈕赴工奏至符

上指冬

命署河督六十一年春馬營口南壩尾決公言水

道榮堂文集 卷之四
深溜急土凍隄新強塞於此將移於他惟分
上流疏下流可殺其勢請仍用議

報可遂開引河廣武下道東南入滎澤已而奉
旨還視淮河南工專委巡撫決口久不塞秋八月
公至自淮齋沐禱於神復奏開官庄峪引河
露處視事日不遑食或中夜起拊循役夫達
旦更風雨霜雪不休淮工郵傳日夜至皆自
批答已而疾作初南北壩相繼潰南合北幾
合復潰公力疾誓衆涕泗交頤人人奮死力
忽聞

仁皇帝登遐暈絕一晝夜既蘇踊哭不絕聲十二月

北壩合甫奏

上復潰強起爲文告神誓死二十一日北壩尾乃
合

今上嗣位實授總河

頒賜

仁皇帝御物曰見此如見

先帝

命御史馬爾赤哈邁往醫視

御筆慰問雍正元年正月五日公卒工所役徒皆

哭士民相弔失聲疏入

上曰此真鞠躬盡瘁死而後已之臣

命賜司庫銀二千兩母錫封典以一品廕子諡曰
恪勤嗚呼知臣莫若君

先帝鑒忠於負罪之年

今上定功於易名之日公可謂遭時遇主至於斯
極者也以康熙二年十二月十三日生春秋
六十有一

贈光祿大夫元配石繼配謝皆封一品夫人側室
王孺人子七樹芝樹萱樹葵樹萊樹蘩

樹萃芝國學生

武英殿纂修議敘知縣葵著萃庠生著襲一品

廕謝夫人出萱國學生纂修議敘知縣萊蘩

王孺人出女七適名族孫男一孫女二公不

攬利權當官不辭難爲州縣首革火耗爲府

厲其屬曰省一分耗羨卽完一分供正署藩

盡革加平曰我向固請免此也總河兼權關

主河工捐例公上章力辭曰臣實不能分理

及河南隄工起則再自請行漕督卒運漕民

艇數千人乏食而譁公立給河庫銀六萬兩

乃入告

先帝深嘉之先在霸昌督修密雲城悉逐奸人不逾時役畢在海州賑山左寧陽飢請發鄒滕濟寧穀價銀三千兩繼之將行又請視他州縣免徵額賦時縣官報災不時上踰三月公特切責所至豪強屏跡嘗親入博徒窟室檢以歸其黨駭散漕艘故泊隘伺他艘觸劫持其貨物公呼吏縛之行李獲安淮龍江兩關所懲隸卒皆此類令下必行卒未嘗強使從已異時吳中觀音山以竹垞代遊屐食其力者

三百戶禁之詣公訴公僞遊山問曰太守虐苦子弟乎曰否守愛我顧我儕衣食於此一旦罷且餓死太守禁婦女遊固當不當禁客還立已之公旣廉明愛人善聽微發姦獄以不冤他郡邑疑案得公剖咸帖服初蒞西安徐烈婦暴棺十年莫決公廉得凶人斃之禮葬烈婦爲建祠其他異蹟多可紀或問何能余曰在虛公表東海孝婦廟立陸績廉石復劉蕢後人徭建狄梁公祠風教大行好賢下士惟恐不及薦拔多當代名人宦轍所至未

嘗一日廢書不觀作詩頓挫排蕩得之杜甫
爲多尤善行草書罷官時持易酒米人爭藏
弄以爲榮嘗遊焦山出瘞鶴銘於江波且爲
之考前後纂輯書六部皆奉

俞旨所著詩文年譜政略奏疏凡若干卷公子樹芝
等卜雍正四年二月三日葬公於本縣東霧
鳳形山上先期來請銘余旣習聞公政事與
公交豁然坦白君子撫楚至長沙益知公內
行修飭事繼母友昆弟終身無閒言書稱君
牙克施有政公是已余又聞

先帝命公治京口步三一夕就蓋賈人子募工緝筏
登石成之京師歲除市米潞河牙人魏某叩
自公所來歎曰廉吏廉吏歸其直輦米而至
嗚呼此豈可旦暮釣取得之者哉銘曰
凱且弟誠而動天下賀賢人用沛洪河以身
壅嗇厥施誰嗣恫湘之東鬱霧鳳宅兆安福
祿降萬子孫仍梁棟

賜進士出身通議大夫巡撫湖廣等處地方提督
軍務兼理糧餉都察院右副都御史鄭任鑰
撰

賜進士出身 誥授奉直大夫吏部員外郎琅邪
王澍書并篆

恪勤列傳

岸園宋和介山

陳鵬年字北溟一字滄洲長沙湘潭人也而
名鵬者以其母羅孕時常夢入彩雲吞月華
將娩又夢一大鳥挾青衣童子而下媿異香
經日滿室其大父大喜其夢徵也因鵬名之
九歲著蜻蜓賦丙子以進士知西安縣有烈
婦徐者暴棺沈冤十年不雪鵬年下車雪之
今浙人演鑊塢戲劇卽其事也庚辰總河張
鵬翮奏請鵬年於河工先是

朝廷命督撫薦舉廉能鵬年名在薦中至是

命知山陽縣上書於巡撫宋犖其略曰陳民之所不便及已之所欲爲願勿以常格拘之犖躓其言不數月山陽果治夏霖雨河隄欲漫民洶洶或曰總河欲啓東岸開洩西岸水鵬年大驚曰洩西漫東可乎請勿洩叩頭禱西岸水齧岸動搖觀者下岸走鵬年亟顧吏疾取山陽民籍沉之水驟落五尺無何特以鵬年知海州山陽人遮道不使去海州人爭迎之乃從間道去未幾

又特以鵬年知江寧府鵬年長軀廣肩而盍背戟鬚髯巨目開閣如電鐘聲然與人款曲溫厚臨事心細膽決爲政剛直不屈處劇簡括不繁然再守大郡再黜皆以不屈也其初下車江寧府也則宿於雨花臺海剛峯祠中題詩於壁以見志而父老傳其初渡江而來也則微行乘二人輿入觀音門有一人輿不善此之曰如是輿耶而善輿者爲謝之曰是初勉於輿而故善於農者也曰胡不農曰農佃於僧以豔其妻而勢有其妻農爭妻僧又以勢撻農於縣逐去之不使其佃曰聞有新知府

來盍訟之乎農吐舌曰敢乎僧能勢得於總督而府能不畏勢而直我訟乎曰是能不畏者果訟於庭曰起視之則其所與者也於是鵬年卽下符命役曰疾繫僧來役曰僧有援符拘之則不能來僞投刺致之則來果來庭見之則倨於庭曰敢倨乎曰無罪出以狀曰不爾罪乎重箠之俄而督府果以人出之鵬年請曰知府初行府事法不行於一僧能行百姓乎曰姑罰而出之可也乃罰以廟工出之龍江權關有吏橫於商而督權使者又陰

利其鷹犬於商故有司不能制鵬年竟法制之江寧爲前明故都有南市樓者教坊青樓也至今猶爲狹斜地鵬年斥去其娼更其樓爲鄉約講堂有常州府諸生吳廷立玉立兄弟者虐於其知府秦欲致其罪於死事聞上以江蘇常三府會勘之而常則欲致其死者也蘇亦不能出其生鵬年力生之吳旣生乃更其名曰復更其字曰念滄乙酉

上南巡總督集有司議供張欲於丁糧耗加三分有司皆懾服唯唯獨鵬年不服否否總督快

道學堂文集 卷之四
快議雖寢則欲抉去鵬年矣無何

車駕由龍潭幸江寧行宮草創欲抉去之者因以是激

上怒時故庶人從幸更怒欲殺某某 車駕至江

寧駐蹕織造府一日織造幼子嬉而過於庭

上以其無知也曰兒知江寧有好官乎曰知有陳鵬年時有致政大學士張英來 朝

上於是久欲徵於國老之有知以驗孩提之無知使人問鵬年英稱其賢而英則庶人之所傳上乃謂庶人曰爾師傅賢之如何殺之庶人猶欲

殺之織造曹寅免冠叩頭爲鵬年請當是時蘇州織造李某伏寅後爲寅媿見寅血被額恐觸

上怒陰曳其衣警之寅怒而顧之曰云何也復叩頭階有聲竟得請出巡撫宋犖逆之曰君不媿朱雲折檻矣已而

上命鵬年晨至鎮江口夜築馬頭三鵬年半夜築成之初鵬年以一騎馳至江口而江深溜急計下石無以根之也有估客坐木筏上見之曰非江寧陳太守耶何爲也告以故曰是豈

道樂堂文集 卷之首
一手足能猝爲也哉估請爲之乃募工組筏
疊石疊沉筏出水石填之半夜三馬頭成

上臨江奇其才

御舟發命鵬年督挽舟者舟入淮山陽民見之曰
此我陳父母也飢渴壺殮之風雨蔽蓋之

上微窺之渡河

溫旨以鵬年還然鵬年負氣不謝罪總督大怒劾
去其官看守於廟當是時江寧市盡閉有諸
生俞養直大呼於市請保留清廉太守三學
諸生從而呼路逢一騎員呵之曰保留者誰

乎繫之諸生懼大半散走養直前曰我保留
者遂繫於獄有前所謂更名復者入獄弔養
直曰此我當爲者君竟我爲之耶時又有八
縣生童集句容考或聞養直斃獄大譁曰讀
書應試何爲盡火其卷散去後養直得出於
獄亦以是也當鵬年之看守於廟中也雖呵
禁嚴然肩販市僧過之必以所有餽禁之則
攘臂而詬或門不能入則毀垣入非惟民入
八旗人亦以餽入或以見入鵬年謝之曰若
非吾民也吾何德奚見耶則競入曰不容我

見包龍圖耶或有好事者繪此以爲圖又繪
九學哭廟圖竟有披圖泣下者一夜驚傳按
察司名鵬年勘俄而夜如晝則夾道火一束
薪燭鵬年入按察司出復薪燭之歸後會勘
於淮江寧民亦從於淮海州民亦來淮雖西
安民亦來淮與山陽民大集保留之當勘山
陽縣盡柵鎖之以拒諸民有大吏導呼至柵
開突出一人大呼請保留陳太守則江寧武
生朱寄略也從而出者十數人山陽縣大驚
則以數人攫一人閉於室丙戌二月獄成竟
以更南市樓爲講堂大不敬擬棄市然民不
知也後聞

上有免死之命民乃南向罵擬棄市者北向拜呼
萬歲謝恩已而

上以鵬年優學問命來京修書於

南薰殿無何邵穆布總督兩江見士民謳歌鵬
年疏薦聞之戊子冬十月

特以鵬年知蘇州府大書求通民情願聞已過八
字聯於府治之門一夜鵬年聞有物互哭如
二人聲曉啓戶則見有二小血人行跡俄而

吳縣見則亦曰夜有物撲滅雙炬如二小人
初有洞庭山豪陸某淫所私惡二幼子不隱
父殺而埋之匿其所故精爽來見鵬年乃發
其屍杖斃陸某與所私於獄有人作閹室藏
博徒者非其徒不能入鵬年入之如其徒破
壞其室擒十人後遂無一人敢博鵬年之性
不能隨欲直斯民於道也而直則剛剛直則
不能屈上之不以其道故正人之在上位者
亮其直不正者惡其不能隨是時總督兩江
者爲噶禮巡撫江蘇者爲張伯行於是鵬年
又爲噶禮劾去官與江寧同一轍矣初鵬年
出知蘇州府

命以書局隨至是書成進呈

御覽之愛其才噶禮大懼懼愛之而不殺之也初

鵬年有題虎坵詩二首至是噶禮乃穿鑿其

詞爲釋文一篇以爲鵬年得民無君必反一

五日

上御暢春園出一軸示九卿卽虎坵詩也且曰乃

有人以此證鵬年蓄異心者自古奸人陷善

類多如此然朕豈爲若輩欺耶五十二年

通樂堂文集 卷之四
覃恩中外鵬年得湔濯入京師

上至自熱河於行在名見鵬年屏左右使奏對日
晡而入夜半而出至京師以鵬年爲

武英殿修書總裁丁酉夏

上幸熱河次昌平以鵬年署霸昌道

至自熱河鵬年傍輦行奏對對河工更指切

上色動又問而子科第幾人對曰臣子七人皆無
一能科第者

上笑曰豈而不能請託耶然則而子皆安在日在
家既而嗚咽曰臣母年近八十矣日然則以

幼者侍母以長者來如是行且對二十餘里
已而復以鵬年修書

武英殿鵬年貧而愛人人亦愛之至是日至

直廬修書舍館有時不給或有以俸餽之者

卽以市米潞河米人問曰客何來曰來於某

曰某則天下之廉吏也我雖市豈廉市乎反

其價曰歸勿價市我米我米市公廉歸米至

矣鵬年守郡賢者式廬暴棺者葬有杜於皇

者楚之詩人也流寓於江寧以死而名滿天

下棺無寸土哀哉鵬年下車弔之營其墓鵬

進學堂文集 卷之首
年之貴不以位困而能亨當其罷蘇而廢置
鎮江也大江南北之士如子來鵬年日與之
放舟金焦逝然往事憑弔古今遺跡嘗出瘞
鶴銘於江中曠而樂也故素位者不必以位
在困自忘其困鵬年雖練吏治復醇學術故
清而惠嚴而恕剛而不武健也而又長於詩
工於翰墨以文爲其政教可謂得乎天之全
者矣然天全者必不人滿故兩守大郡皆見
傾於當路若造化之有所忌而究之結
主知得天下之名高實以此豈非造化之忌之卽

所以全之也哉戊戌夏四月其子樹芝樹萱
來

名見澹寧居命於

武英殿隨其父行走以二子工書能文予之也

辛丑夏四月

以陳鵬年同吏部尙書張鵬翮有事江南兼視河
六月

命陳鵬年留工辦事七月河決武陟馬營口由長
垣潰入張秋

命總河趙世顯與山東巡撫河南巡撫共塞之時

鴻年先至河上至是共議久不決獨以摺奏
之其大略以爲黃河老隄決開八九里而大
溜直趨決口者十之六趨老河者十之四臣
愚以爲宜於對岸上流廣武山之下淤灘之
上更開引河一道使溜南趨再於決口稍東
逢灣取直又開引河一道長三四里引溜東
行復歸正河以殺其勢方可漸次塞之時摺
未上

上已以指授方略於大臣至河矣比摺至

上大悅召九卿曰鴻年所見與朕若合符節非熟

練河工者能見及此乎遂欲倚用之矣十月
召總河趙世顯來京師以陳鴻年署總河馬營口
塞鵬年至淮行總河事時山東兗寧道河南
管河道皆不得人劾去之薦起終養吏部考
功郎中余甸爲兗寧道薦舉山盱通判張杓
爲管河道河工廢弛久鵬年飭官吏程衆工
廢盡舉河淮多草工高寶多石工以防巽社
湖射陽湖白馬湖之水險也又有高家堰更
稱水險故皆石工防險亦廢弛鵬年亦工完
之壬寅春正月武陟馬營塞復開以塞於冬

冰開於春融也二月鵬年至武陟請開王家溝引河以殺馬營口大溜之勢

上是之頃之

命鵬年至淮防伏汛居數月總漕施世綸卒故事以河攝漕無何運丁數千絕口糧大譁鵬年聞之遽以河帑六萬兩借給之後聞

上大喜曰鵬年擔當識量不媿古大臣也總河之任重防淮轉漕河南之工非專任也而鵬年以受

上知獨深時時憂武陟未塞如病至是復請塞之九月至滎澤縣爲文禱之河水驟落八尺人神之又請開官庄峪引河

上是之而鵬年旣如病矣至是南工飛遞日數十至而一心兩河百慮竟病矣然而不遑病也當是時馬營口南壩尾已開力疾與河南巡撫合之未合北壩尾復開十月南壩尾合鵬年獨力疾合北壩尾幾合復開嘆曰力竭矣病增劇復大集官吏役夫誓之曰此役也合之則諸君之力吾生不合則一人之罪吾死泣下衆亦泣下感慨曰有不盡死力者如此

河鵬年見人心奮色喜病小愈俄而聞

上崩筆去手不知情伏几一晝夜甦伏地哭既病

遂病篤居數日復強起台北壩尾十二月合

俄而合復開欬歔曰吾數盡此矣復爲文禱

之慟曰有一死而已衆哀之力効死竟合

今上卽位嘉其勞以爲總督河道提督軍務兵部

右侍郎右副都御史鵬年知不起以摺遣家

人赴

闕聞

今上問病已復出

大行御物五令其家人馳驛歸賜之又以御史馬爾

赤喀知醫使枉道治之元年正月五日彌留

命具湯沐移榻正寢北向坐授遺表黎明

御物馳驛至見

宸翰朱書着實用心調理六字時其母已迎養於

淮未見也太息曰忠孝謂何端坐竟太息而

卒諡恪勤鵬年居常學問有定力生死禍福

不亂也庚子京師地震神武門樓鴟吻墮時

鵬年與其宗左通政允恭中書科恪飲於華

州舍館簷下亦簷瓦墮允恭恪皆大驚起鵬

年安坐飲不亂宋子曰黃河不決於中州數十年至公治河則決亦氣數之相遭以作其波瀾之大者乎然竟以決而病病而死死諡爲恪勤又生死之大者矣嗚呼公之處境多逆獨能於逆而生順死安譬黃河三折入中國而觸於砥柱閉於龍門何如其勢之逆也哉終底於順也

恪勤公家傳

公名鵬年字北溟一字滄洲姓陳氏其先江西廬陵人九世祖友德始遷湖南湘潭縣七世傳至貢士金臺以文章氣節名楚南學者稱石村先生無子以弟子國學生式穀爲後卽公父也以公貴

贈中憲大夫生五子公居長母羅太夫人有身夢彩雲大鳥之異因名曰鵬五歲受唐詩卽成誦九歲作蜻蜓賦驚其座人當吳逆竊據湖南公全家避亂山中者五年盡通經史康熙

二十三年舉於鄉後七年成進士爲衢州西
安縣遂寧相國張文貞公鵬翮爲河道總督
知公名

題請簡用河工補山陽縣甫兩月遷知海州四
十二年

聖祖仁皇帝閱視河工行幸江浙時山左歲稔公奉
命散賑濟兗間全活數十萬人東人感德人出一錢
樹碑道左

聖祖回鑾

召試濟上賦詩稱

旨明日

賜御書一軸蓋公任小吏時政治已徹

上知矣進江寧府知府江寧爲江南首郡省會事劇
人多權宜苟且公輒持正不肯詭隨會東南
有公務須費不訾制府阿三欲出之民間每
地丁銀一兩加耗羨二三分同時諸郡守莫
敢言公陳民疾苦抗言力爭事遂格不行而
主者忌之四十四年

聖祖南幸制府委公司上方供億多失侍從人歡又
奉

通榮堂文集卷之四
旨修鎮江馬頭三處口岸刻期一夕完蓋爲忌者所
中也江口水深溜急觀者悚惕公三鼓告竣

又

命與江西巡撫李公基和督民夫挽

御舟北上入山東界

遣還是年六月公掛吏議落職羈江寧關帝廟會
城頃刻罷市部民相率痛哭於大府之門復
繞公寓廬環呼無害我廉吏饋遺薪米絡繹
街巷守禦者呵止之不得學使者按句容生
童焚印卷不就試諸生余養直會九學千餘

人建旛將叩

聞八旗兵駐防者亦醵錢市酒食獻公羅拜而
去及赴淮陰會勘山陽海州父老呼號稱枉
願以身贖江寧士民相隨對簿者幾千人明
年二月獄成

詔諭從寬免死江南之人始知當事者欲殺公賴

聖明得生也尋徵入修書百姓遮公車扃閉十二門
凡九日不得行公泣諭得就道抵京師纂修
宋金元明詩入方輿志館纂湖廣省後一年
兩江總制邵公穆布薦公可大用其冬出爲

蘇州府仍以方輿書隨纂四十九年

詔署江蘇布政使事其明年制府噶禮以前江南河

牌案未遂中傷之志借承鞠吳邑令某虧空

遲延再落職時公方以公事至鎮江卽羈守

城隍廟吳人哭從公者一如江寧時先是未

被劾前方輿書成呈進噶禮恐

上見而憐之持益急羅織擬重典會噶禮貪墨敗露

上益知公受誣一日御暢春園

諭九卿曰噶禮曾將陳鵬年虎丘二詩奏稱內有悖

謬等語朕閱其詩竝無干礙朕纂輯群書甚

多詩中所用典據皆知之卽末句鷗盟一句

不過託意漁樵凡作詩者喜時則語多歡娛

失意則詞多拂鬱如在全篇中指摘一二語

以害人則人皆不能免陳鵬年其詩見在非無

據者今與爾等公看蓋公之受知於

上者深矣五十二年遇

覃恩公自江南赴熱河

行在卽

名見薄暮入漏三鼓始出

上屏左右奏對凡數千言

御前燭爲再易旋

命爲

武英殿總裁官兼修月令輯要又修鳥獸蟲魚
廣義今

賜名物類輯古略五十六年署霸昌道時方修密
雲城大府檄公協理公首察巨猾在工行侵
漁監督不敢問者悉逐之城工卽完舊例昌
平歲進瓜輦送熱河至是

上不納

勅制府曰陳鵬年清廉官此後不必令其費錢其見

軫恤如此其年十一月迎

駕密雲傍

御輦行二十里

上從容問地方要務及河工利弊公指陳皆中窾要
上命仍入

武英殿辦事遂馳赴都公歷任南北重地爲治
專尙實政西安當閩粵豫章孔道自耿逆告
變人棄田廬以逃逆平後版籍殘闕豪強兼
并多者數十百頃有田無糧其流亡未復者
名掛糧籍實無田可耕往往鬻子女償官逋

其或不能償遂有終身流離不敢歸鄉井者
公至卽清丈民田豪右計以勢撓之公不爲
動親履畝丈閱卒里正經界占田一清流散者
皆來歸烈婦徐有疑獄沉冤十載公得其實
斃其元凶禮葬烈婦建祠旌其節俗產女輒
溺爲嚴其禁生女多以陳名補山陽塗中先
奏記撫軍宋公陳民所不便已所欲行者請
便宜從事補淮安關蠹重懲之關吏不敢有
苛稅居海州除日城中十數萬戶榜桃符者
群揭官清民安四字於門蓋指公也於刑獄

尤矜慎爲江寧府日常州守秦某文致諸生
十數輩欲致之死公承勘悉爲平反松江惡
捕五人嗾盜陷富人家執其婦局之婦自經
事發冀援赦公窮究之卒寘五人於法蘇州
有未結獄三百餘案公視事未一月咸決遣
洞庭山民陸某以閨房暗昧事殺二幼子於
巡兵家埋其尸沙中吳邑令鞫之求尸不得
公突至其處得之霸昌旗民雜處號難治公
裁以法無所迴避有盜開銀鑛詐稱貴戚近
屬者公往收之豪強脅息其精於吏職多類

此六十一年四月

上以公嫺河務令同張鵬翮往閱南北河隄等尋

詔留河工七月河南懷慶府武陟縣馬營口衝決直注

山東張秋直隸長垣公

奏黃河老隄衝開八九里大溜直趨決口約五六
分老河內止存四五分而已宜於對岸上流
廣武山下別開引河更於決口少東亦開引
河俾河流仍歸正河乃可堵築但河南工程
例不動帑金撫臣設法捐修其埽臺僅寬三
四丈埽箇長僅二三丈恐難樹立合龍又恐

今年冬回空糧艘阻滯當春桃花汛發重運
難行伏乞

皇上迅發帑金別遣大臣董其出入臣與河臣悉心
估計用長椿大埽以資捍禦運道民生攸賴
公未摺奏前

上預遣重臣授方略經理比奏至與

旨合嘉嘆久之十一月奉

命署理河道總督署駐清江浦時馬營決口工已竣
公乃蒞清江受事卽條陳淮關收稅捐例二
事請另委專司

上可其奏當是時河工廢弛日久修防搶護視爲具
文當伏秋水漲卽開所在閘壩以洩之文華
寺閘周橋大壩高堰滾水諸壩爲淮揚田廬
害不可數公燭其弊一切柴土木石務堅厚
閘壩非大漲不輕啓委員得人費少工倍而
事以治六十一年正月馬營口隄遭冰凌積
水再決公謂馬營地勢低窪雖有引河流不
能暢惟有分疏上下流殺其捍怒按去年所
開沁黃交淮對岸名王家溝者爲老黃河故
道請於此開引河使水由東南行會入滎澤

正河馬營口隄工以次可成

奏可乃復至決所開放河頭值西北風大起大
溜直趨引河河流漸徙而南堵塞可俟未幾
上以南河險要

命公回清江令撫臣專辦時漕運總督施公世綸卒
於官例河臣攝篆值漕運梗滯雇民舡泊清
口諸處旗丁數千人以無口糧水脚群聚呼
號公出河庫銀六萬兩分借各省監司沿途
散給事行而後奏

上稱善謂大臣當如是是年分類字錦告成公舊與

排纂進呈日遺公名

上特命補入蓋不沒公勞如此當公之再至中州奉命歸清江也恆鬱鬱不樂曰馬營工久不成負罪深矣請白露後仍往堵築時中州頻年荒旱野無青草料物費不可勝公撥遞年規例銀二萬兩星馳至滎澤縣致齋十一日爲文以禱大河及沁水之神是夕黃水驟退八尺隨奏請開官庄峪引河身止宿隄上或終日不食而南河諸事郵傳旁午日數十百件公五官竝用事大小皆關其手血枯神耗兩足腫癰

疾作矣十一月

聖祖崩問至公方秉筆視事筆墮於地沉迷一晝夜明日望

北闕長號曰臣屢蒙

聖主不殺之恩以有今日鼎湖可攀敢忘身殉哭繼以血病日劇猶日治南北壩尾之工且決且築

世宗憲皇帝卽位遣官到河南辨諭後六日以兵部侍郎階兼都察院右副都御史授河道總督公摺謝以病入告

上備問公家人病勢

賜物有加

命馳驛歸又

命馬爾赤喀同往治病馬爾赤喀由同知新補御史精於醫者也雍正元年正月五日四鼓口授遺本并謝摺遂卒語不及私公虎項目光如電每怒鬚髯輒張胸懷坦直無城府愛才若飢渴藉以成名者多有交遊徧天下然由州縣歷制府未聞人干以私齡年居母羅繼母賀喪哀毀如成人中憲公卒廬三年奉繼

母曹太夫人至孝友愛諸弟公於書無不窺凡天文地理兵農錢穀星相卜筮皆窮其源楷書學顏魯公詩追老杜凡五十四卷文八卷喝月詞一卷政略一卷河工條約一卷卒年六十一公既歿

世宗見公遺疏爲之愍悼下

詔曰陳鵬年潔已奉公實心爲國因黃河衝決自請前往堵築寢食俱廢風雨不辭積勞成疾歿於工所聞其家有八旬老母室如懸磬此鞠躬盡瘁死而後已之臣傳

諭該撫

賜司庫銀二千兩其母

賜以封典陳鵬年給以優諡以一品廕其子予諡曰恪勤子樹芝樹萱自京抵武陟扶櫬至清江凡中州山左士民路祭巷哭發引日過南北壩尾官弁及居民夫役數萬人相率繞棺哭聲震郊野厥後河南武陟士人爲公建祠於嘉應觀右樹碑紀績歲時祭祀以公常陟降於茲土也雍正三年九月卜葬本縣十四都之東霧山諏十二日發引舟由湘鄉時正

杲然霽也方憂水落灘高篙師窘手忽十一日大雨如注水添三四尺屆期晴和運棹自如次年二月朔穿壙五色瑞雲糾紛覆穴觀者詫異蓋公一生忠誠精神不死在天屢徵默相如雲師雨師亦知愛助非人力能勉致者子七人樹芝樹萱樹著樹萊樹蘩樹萃嗣仲弟者曰樹葵方公在霸昌

聖祖命樹芝樹萱隨侍

內廷今樹芝知平越府樹萱戶部左侍郎樹著刑部郎中樹葵舉人樹萊兵部學習海運倉

監督樹萃縣學生

李果曰班固氏有言法令者治之具而非制治清濁之源也觀公爲治之意務在正本清源而非粉飾治具徼倖成功於旦夕者可比惜乎爲忌者所中再仕再已然卒受

兩朝之知膺封疆重寄焦勞致疾功建名立巢湖旣痛身亦旋殞殆祭法所謂勤王事以死者與公尤負知人之明浙中分校得李君陳常等七人在河工特舉陸君師張君杓爲監司陸君歿復舉余君甸皆廉敏而陳常歷官

至兩淮巡鹽御史有治績可以知公之能知人矣公官西安及江南嘗訪果公羈金陵京口果襍被過公公掀髯抵掌縱論千古歷歷如昨感往悼今可悲矣夫

乾隆二年閏九月九日長洲後學李果百拜
撰

賦

薛劉二平閩武氏次日是此野學李果百拜
岐州風野軒今百悲矣夫

以果縣縣公公梓澤海掌撥餘千古祖
人矣公宮西安又武南普古果公歸金刻
吳兩州縣監嶺史育成縣河以候公之

